

活人慈航



五十



隨小便而來渾濁如泔此胃中濁氣滲入胞中也白淫者
常在小便之後而來亦不多此男精吸入子宮而不攝滑
而自出也三者皆由胞門而來也季氏曰又有日夜流津
如清米泔或如黏膠者謂之白崩與白濁大同多憂思過
度所致誠難治療用四七湯下白丸子或喜丸之類按此即
女亦有患者非關七情所致宜草解分清飲加黃柏為是或導水丸益元散之類
淫熱傷陰滲入子宮所以下流而不疼痛萬氏治白濁用二陳湯加蒼朮益智升
麻柴胡治中焦使淫熱不下流也日久者用

方

清白散 治帶下綿綿不止

當歸 川芎 白芍 生地 黃柏 椿根皮 貝母各

炮乾姜 甘草 各五分 炮乾姜從治也

赤帶加黃芩荊芥 久下加熟地牡蠣註此丹溪法然配四物似
與瘦人有火者相宜

勝淫丸 治赤白帶因淫熱勝而下者

蒼朮 白芍 滑石 各兩 椿根皮 二兩 炮乾姜 二兩

地榆 桑枳殼 甘草 各三兩 為末糊丸服百丸

或加神麴黃柏 或加香附黃連白芷側柏葉治七情所

傷而脈數者

地榆散

治漏下五色一十二帶兼治下血

本草註一曰多赤二曰多白三曰月水不通四曰陰

蝕五日子臟堅六曰子門辟七曰合陰陽患痛八曰小腹寒痛九曰子門閉十曰子宮冷十一曰夢與鬼交十二曰五臟五疔

地榆

三兩

用醋水各半升煮食前服一合

註以三兩醋煎自得單方用法

能治十二症亦一家病也

苦練丸

治赤白帶下甚妙

註下部痛者尤宜

苦練

小茴香

當歸

等分

酒糊丸桐子大服三五十丸

滲溼導痰飲

治溼熱痰積滲入下焦白帶不止

白朮

蒼朮

半夏

陳皮

茯苓

白芷

香附 各分

炙甘草

煎服有熱加黃芩

血虛加芎歸

氣虛加參芪



及不愈加升麻柴胡升提之

註總治中州之溼蓋中焦清則無溼下流故帶自止豈有滲入下焦之理

萬安散 治女人赤白帶下或出白物如脂或有臭濁污水并神效

註此氣實溼痰以利氣溫行導水

小茴香

木香

各二分

黑丑牛一兩取頭末

為末生薑汁調

服二錢取盡惡物為效未盡間日再服二錢忌熱物

導水丸

治溼熱鬱於下焦赤白帶下不止燥熱煩渴

大黃

黃芩

各二兩

丑牛頭末

滑石

各四兩

為末水丸

註妙在氣血二分

已上溼熱寬結

胃風湯

治風邪入於胞門或中經脈流傳臟腑帶下五色

人參

白朮

茯苓

當歸

川芎

白芍

肉桂

腹痛加木香

五積散亦可用

按此白帶下五色便是風邪胃風五積詳虛實兩用俱效

蒼蘗參芍散

治婦人上有頭風鼻涕下有白帶

按此症亦少有存其方法也

辛黃 川芎 蒼朮 黃柏 南星 半夏 滑石

牡蠣 黃芩 水煎服 註此丹溪先生方以芩黃川芎而治頭風蒼柏星半滑牡而治白帶平正無奇令人可法

已上去風寒

衛生湯 帶下不止脉微弱腹痛 註此亦建中法

黃芪 三兩 當歸 白芍 各 炙甘草 兩 每服半兩下苦練丸

註腹痛故氣苦練丸

補中益氣湯 治勞役過度飲食不節損傷脾胃以致陽氣下陷白帶下久不止

六君子湯 治胃有痰飲食減少中氣不和時時帶下按守補之藥原是治本

歸脾湯 治思慮過傷心脾以致健忘怔忡驚悸不寐怠惰嗜臥不思飲食時帶白帶不止

已上守補

菴蓉兔絲丸 治赤白帶下此藥不寒不熱得其中平功隆

生子 按腎旺則有子奇經入脉屬肝腎也此方補腎補血內兼溫清并調收不

肉菴蓉 兔絲子 覆盆子 蛇床子 當歸 白芍



川芎^各 牡蠣 烏鰂魚骨^各 五味子 防風 黃芩^各
艾葉^三 為末蜜丸桐子大鹽湯下四五十丸早晚服
補腎

補宮丸 治婦人諸虛不足久不妊娠骨熱形瘦崩中帶下

鹿角霜 白芍 白朮 茯苓 淮山 白芷 白薇

牡蠣 烏鰂魚骨 等分 糊丸

註此又別是一種意是不用歸地川芎者慮其溼滑行血也變局如此可不因事制宜 按此只重在崩中帶下以致形瘦骨熱不妊故用燥溼固滯以治崩帶補瀉

丹溪方 治白帶真陰虛者

龜板 枸杞 黃柏^各 香附 棗皮 苦參 貝母

椿根皮 白芍^各 炮乾姜^各 為末糊丸

註丹溪治帶主於溼熱其意以腎主閉藏而下焦者肝腎主之然溼從中焦生故其方如此宜讀本草而熟思之應變無窮可為執方一洗塵補陰去熱溼

千金方 治帶下脉數者陰虛有熱也

生地黃 五兩

枸杞 二兩

水煎服

註此方有起見非真入不能立 按人瘦口乾口燥大便堅實乃宜

滋補陰液

補真固經湯

一婦白帶久漏服諸藥不效診得心胞尺脉

極微其白帶流而不止脉訣云崩中日久為白帶漏下多時骨水枯言崩中者始病血崩不已久下則血少復亡其陽故白滑之物下流不止是本經血海將枯津液俱亡乾枯不能滋養筋骨以本經藥行經藥為引為使以大辛甘油膩之藥潤其枯燥而益津液以大辛熱之氣味補其陽道生其血脉以苦寒之藥泄其肺救其上熱傷氣以人參補之以微苦辛之藥佐而益元氣名曰補真固經湯

人參

乾姜

各錢半

黃芩

郁李仁

柴胡

炙甘草

各錢半

陳皮

五分

白葵花

去原

水煎服

註東垣立方必原脉原症原藥然後沈思審處且又引前言為証故治病多效
今不能然何怪乎病之不廖也此方以參姜益陽李仁葵花潤燥柴胡升清
於下陳皮和胃於中黃芩清肺熱非深思者不能主此方名曰補真蓋以真氣為本

助陽湯

治白帶陰戶中痛控心而急痛身黃皮緩身重如

山陰中如冰

一名升陽燥淫湯 按此症稀少註此治重在陰中如冰痛控

足以去淫升陽葵李潤枯滋燥甘陳和中黃芩涼氣分之熱能與前方參之自
有解準繩註二方葵花李仁之滑以潤燥蓋枯涸滯著者宜之

柴胡 一錢二分

良姜 二錢

防風

郁李仁

乾姜

甘草 各一錢

白葵花 七朵

陳皮

黃芩

各五分

煎服

已上寒熱潤

固真丸

治白帶大下不止臍腹疼痛其寒捫之如冰陰中

亦然目中溜火上壅視物眊眊無所見齒皆惡熱飲痛須

得黃連末擦之其痛乃止惟喜乾食大惡湯飲此病皆寒

淫乘其胞內故喜乾而惡淫陰火肝經上溢走於標故上

壅目中溜火腎水浸肝而上溢故目中眊眊無所見齒惡

壅目中溜火腎水浸肝而上溢故目中眊眊無所見齒惡



熱飲者是少陽陽明中伏火也當大瀉寒溼以丸藥治之
故曰寒在下焦治主宜緩大忌湯散以白石膏龍骨以枯
其溼以炮乾姜大辛熱瀉寒水以黃蘗之大寒為因用又
為鄉導故云古者雖有重罪不絕人之後又為之伏其所
主先其所因之意又瀉齒中惡熱飲也此柴胡為本經之
使以芍藥導之恐辛熱之藥太甚損其用經故微瀉之以
當歸之辛溫大和其血脈用藥之法備矣

石脂

一錢

龍骨

二錢

柴胡

一錢

當歸

三錢

乾姜

炮四錢

黃柏

五分

白芍

五分

為細末

糊丸

每服

三十丸

白湯下

一流民婦白帶如流不止下極冷上極熱用此一料立愈真神藥也重在寒溼傷胞

寒熱并瀉

酒煮當歸丸

治癰疽白帶下注腳氣腰以下如冰雪中

火坑以重蓋厚衣猶冷小便不止與白帶長流而不禁固

肌肉消瘦面白目青目眊眊無所見身重如山行步欹側
腿膝枯細大便閉結心下痞悶懊懷飲食不下面垢背寒
小便遺不知此上中下三陽俱竭故嘔噦不止胃寒之極
也其脉沈緊而濇按之空虚若脉洪大而濇按之無力猶
為中寒之症况按之空虚乎按之不鼓是為陰寒之極也
其空虚乃氣血俱虛之極也

註凡緊脉不拘浮沈均以為寒按之不鼓無問大小皆以為虛診者常須識此

當歸一兩

小茴半兩

附子

良姜

各七

四味共酒煎至酒盡焙乾

炒鹽

丁香

各半兩

全蝎三錢

柴胡三錢

升麻

木香各三錢

苦練子

炙甘各五分

延胡索

四錢

酒糊丸服二十丸

註既曰氣血俱虛而本方中曾無一味補氣而血分藥又止有一味當歸豈真陽已竭即甘溫之味亦未易為力也乃地能滯陽氣故亦不用妙在前四味用酒煮以酒糊丸者峻補其下使其陽氣生於九淵上於九天也其後九種或引之於降或佐之以升有開結透關之妙非精識病源究心藥石者不能到也然其力量洪大非善用者不敢前諸症皆寒症獨便秘心下痞懊懷似熱症按此方脉症皆果虛寒乃用然亦稀少

通陽



暖宮妙應丸 治婦人赤白帶下及子宮虛冷無子者

當歸 川芎 白芍 熟地黃 艾葉 丹皮 茯苓

龍骨 牡蠣 赤石脂 等分 糊丸

註曰物合成劑又以艾葉暖其下茯苓滲其濕丹皮行其瘀宜乎暖宮得孕平補法

白芷散 治赤白帶下

白芷 三兩 海螵蛸 二兩 血餘 二升 為末酒下二錢

止瀉

側柏地榆湯 治赤白帶下以致不能成孕

黃芪 側柏葉 地榆 烏鰂魚骨 牡蠣 白殭蚕 各

肉苁蓉 白芷 蛇床子 各半 煎服

註腎主閉藏赤白帶下者腎氣不固也白芷升陽明於血海餘皆補腎而有散有瀉有運其黃芪一味得非補入脉之表氣乎亦補瀉而鬆靈

神清



威喜丸 治婦人血海久冷白帶白濁白淫下部常淫小便

如米泔或無子

黃蠟

四兩

茯苓

四兩

用猪苓三錢半煮二十餘沸去猪苓不用茯苓晒乾用

茯苓為末熔蠟丸彈子大空心細嚼滿口津生徐徐嚥服

以小便清為度

註味之淡者莫過於黃蠟茯苓蓋淡味乃天之陰氣天氣降則水生水生則火有制用猪苓煮者欲滲之速以蠟丸者欲其降之深也

如聖丹 治婦人經脈不調赤白帶下

枯白礬

蛇床子

等分

為末用醋為丸如彈子大用

臘脂為衣綿裹於陰戶中定坐半日熱極再換大抵月水不通赤白帶下多因子宮不潔服藥難效下取易痊且速效而不傷臟氣也 按月水不通可用赤白帶下宜審

俗下胎法用地棉根取一根直下者用水浸淫插入陰戶子門口內對時便產淫婦常用者

求子

胡氏曰男女交姤其所以凝結而成胎者雖不離乎精血猶為後天滓汁之物而一點先天真一之靈氣萌於情欲之感者妙合於其間朱子所謂稟於有生之初悟真篇所謂生身受氣初者是也醫之上工因人無子語男則主於精語女則主於血著論立方男以補腎為要女以調經為先而又參之補氣行氣之說察其脉絡究其虧盈審而治之然後可孕

陳楚良曰人身氣血各有虛實寒熱之異惟察脉可知舍脉而獨言藥者妄也脉有十二經應十二時一日一周與天同運循環無端其至也既不宜太過而數數則熱矣又不宜不及而遲遲則寒矣不宜太有力而實實非正氣能實也正氣虛而火邪來乘以實之也治法先當散鬱以伐

其邪邪去而後正可補也不宜太無力而虛虛乃正氣正血虛也治法惟當補其氣血耳亦有男婦上熱下寒表實裏虛而未得子者法涼膈之藥清其上補藥溫其下暫進升散之藥以清其上久服厚味之藥以實其裏又有女人氣多血少寒熱不調月水違期或先或後白帶頻下而無子者皆當診脈以活法治之務欲使其夫婦之脈皆和平有力不熱不寒交合有期不妄用精必能生子子不傷歿故欲得子者必須對脈立方因病用藥

仲師云脈浮弱而澀為無子精氣清冷 脈經云婦人少腹冷惡寒久年少者得之此為無子年大者得之絕產 脈微弱而澀年少得此為無子中年得此為絕產 肥人脈細胞有寒故令少子其色黃者胸上有寒 少陰脈浮而緊緊則疝瘕腹中痛半產而墮傷浮則亡血絕產惡寒

婁全善云胎前之道始於求子求子之法莫先調經每見婦人之無子者其經必或前或後或多或少或將行作痛或行後作痛或紫或黑或淡或凝而不調則氣血乖爭不能成孕矣詳夫不調之由其或前或後及行後作痛者虛也其少而淡者血虛也多者氣虛也其將行作痛及凝塊不散者滯也紫黑者滯而夾熱也治法血虛者四物氣虛者四物加參芪滯者香附縮砂木香檳榔桃仁延胡滯久而沈痼者吐之下之脉症熱者四物加芩連脉症寒者四物加桂附及紫石英之類直至積去滯行虛回然後氣血和平能孕子也予每治經不調者口製香附丸多效素問經云腎脉生病女子不孕

準繩云經水過期者血虛也宜四物加參芪陳皮白朮服之若肥白人是痰多宜二陳加南星蒼朮滑石芎歸香附之

類 經水不及期者血熱也四物加芩連肥人亦兼痰治
色黑紫者同血熱論 經將行而作痛者氣滯也用歸尾
香附及桃仁紅花黃連以行之或用四物莪朮木香延胡
熱加黃芩柴胡 經行後作痛者血氣虛也宜八物湯加
香附

丹溪云婦人肥盛者多不能孕育以身中有脂膜閉塞子宮
以致經事不行瘦弱婦人不能孕育以子宮無血精氣不
聚也肥人無子宜先服調理藥 當歸 兩 茯苓 三兩 川芎 七錢
白芍 白朮 半夏 香附 陳皮 甘草 各作十貼每貼加姜煎服
吞後九子 白朮 兩 半夏 川芎 香附 各一兩 神麴 茯苓 各一兩 陳皮 一兩
甘草 一兩 糊丸每服八十丸服前藥訖卻服後蟲斯丸附子
茯苓 各一兩 厚朴 杜仲 肉桂 秦艽 白薇 半夏 乾姜 牛膝 沙參 各一兩
細辛 人參 各一兩 為末蜜丸小豆大每服五丸空心酒下加至

求子

禮下之下

五十八

女科



十丸不妨覺有孕三日後不可更服

準繩註此方即秦桂丸也丹溪忌服之者蓋忌於瘦人無血者若

肥人溼多者又兼前調理藥而所服丸數十減其九只服五丸無妨也上三方得之於丹溪之子朱慈誠者累試有效 秦桂丸原方下云每服五十九丸無效更加丸數酒下服七日即交各孕後忌服 按溫熱藥可致細細舉育之靈氣也故此少用丸數

子和治一婦為室女時心下有冷積如覆盆按之如水聲以熱手熨之如冰十五年不孕診其脉寸脉沈而遲尺脉洪大有力非無子之候也以三聖散吐涎一斗心下平軟次服白朮調中湯五苓散後以四物湯和之數月而得娠常曰吾用此法無不子之婦此言不誣 一婦三十四夢與鬼交驚怕異常及見鬼神堂陰司舟楫橋梁如此一十五年竟無延娠百治不效黃瘦發熱引飲中滿足腫診曰陽火盛於上陰水盛於下見鬼神者陰之靈神堂者陰之所舟楫橋梁水之用二寸脉皆沈伏知胸中有實痰也三湧三泄三汗不旬日而無夢一月而有娠